

Leev Tante Finchen,


Leev Tant', en dinnem Leevlingsclub, de Schötze, schingt dä Alldachstrott manch enem zo langweelich jewohde zo sinn. Denn wie soll m'r et anders enterpreteere, wenn Einzelne en aller Öffentlechkeet haneböchene Blödsenn verbriede! Dat send böhneriefe Optredde, die äwwer mieh en e Kaspertheater jehöre, on beim Volk merr spöttesch jriene uslöse deht. Ech selwer hann eenijes dovon meterlävt, on hann mech dobei en de Kengerjahdeziet zoröckversetzt jeföhl't. Oder och en de Schollziet noh dem Motto: „Hallo, Här Lährer, ech weeß wat.“



Et wohr schonens entressang zo senn, wie jede Dach en angere Sau dörch dat Dörp jedreewe woh't. Dobei wehde lostich Wohrheete met Erfongenem on Höresare, ensbesondere von de Wiewer ons Jesellschaft jemescht, dat et schon wieh deht en de Beer! Ech hätt' nit jedacht, dat erwachsene Lütt ne derahdije Stuss verzappe könne. Dobei wöht kinne Halt jemaht vör Famillich- oder Jebohdsdachsfiere. En ehr Borneertheet merke de Betroffene noch nit emol, wie de Ömwelt jespannt es op de Fottsetzongsfolje. Ech freu' mech op onser Schötzefest, wenn dä - zojewewe kleene - Personekrees openandertreff't, wähde dann de Duell-Pistole erusjeholt? Ech könnt mech jetz schon kapottlache öwer sone Drieß.

Jetz wat Angeres on Erfreulecheres. Kennste schon dä Stroßefäjer von Hassels? Dä heeß „Fortuna“. Sobald de Kicker vom Flenger Broch zom Ahnstoße fähdisch send, heeß et en de Kroneklaus, däm Börjerhuus on de Pinte Am Denkmol „95 OLE“!

On sollten datsächlech de Fortune e Dor krieje, erbebe de janze Pinte en ehre Jrondfeste. De Kenger könne en Ruh' op de Hasselsstroß speele, denn do es nix mieh loss. Nur wennije desorienterte Autofahrer on d'r Liniebus send störende Elemente. M'r föhlt sech en de Ziet von de 60er Johr zoröckversetzt, als dä Krimi „Dat Halsdoch“ von dem Francis Durbridge dörch de Wohnzemmer jeflemmert es, on de Stroße leer wohren.



So leev Tant, dat wohr et wedder emol, bes zom Schötzefest alles Johde

Di Hänschen